

籌辦萍鄉鐵路公牒

一函
二冊

籌

辦

萍

鄉

鐵

路

公

積

豫
甯
昌
成

春
書



光緒二十六年春
印於萍鄉縣署

序

中國之於鐵路或以爲是或以爲非或謂可行於異邦而不可行於震旦或謂宜行於腹地而不宜行於邊陲自同治以來爭持交關逾三十年於茲矣近歲始斷自

宸衷特命大臣董理其事肇始於津榆擴充於蘆保戊戌以後建議立名殆以十數茅檐蔀屋之氓章甫縫掖之彥蠲除故智待闢新機而鐵路之利乃嘖嘖人口向之爭持交關者至是若將論定焉顧吾以爲鐵路之利害正未易一二言決也或曰秦築長城隋開汴渠並害在當時利在後世吾甯忍一時之害以博萬世之利詎爲失計顧利必在已成之後而害則宜坊於未成之先使不顧一時之害而率意徑行將事且不成利於何有縱刑驅勢迫勉強

集事而所傷不已多乎然則權其利害而不至於因噎廢食當必
有道矣嘗聞昔人指陳鐵路之害者不過曰蔑古也變夏也勞民
傷財也傭工失業也敵國生心也不知今人之衣冠宮室文字風
俗悉與三代以上迥殊胡獨於鐵路而異之泰西創行鐵路未及
百年非其本俗華人酷嗜洋貨競尚新奇衣被如洋布酖毒如鴉
片玩好如鐘表瑣細如針線莫不惟洋是喜胡獨惡乎鐵路且也
傭工給值弗派民夫奚云勞民籌款招商未加賦稅奚云傷財火
車暢行轉徙執事需人孔多則失業不足懼軌轍攸殊聞警撤毀
易於反掌則外患不足憂凡村學究所齟齬藉口者久爲通儒碩
士所唾棄無待深辯獨是委任不得其人則無論諸害未必盡除
將無形之害轉有出於所慮之外者吾則謂鐵路無一定之害能

公以移安爲免也且夫今之談時務者輒曰利權利權誠以謀利
斷斷則格而惟得權乃可獲利鐵路之利在於出土產通懋遷速
案良便賑災省行程捷征調旣已夫人知之第今日者中國風氣
驟興未諳製造未習汽機勢必需借材於異地抑款項支絀發帑
爲後難爲繼集股則緩不濟急又不免稱貸於外洋此固權宜之
計不得已而爲之然而用西人則務使盡其所長而爲我所制借
洋款則但當照章納息而惟我欲爲假令太阿倒持授人以柄若
俄之於關東意之於山西則利其所利於我何與卽或染指鼎鑪
稍分餘潤而反客爲主利亦僅矣是則權之所在卽利之所在當
事者可不慎歟吾友顧君勳堂宰治萍鄉厯有年所嘗靖匪亂賑
旱荒捍患禦災政成民信會時

朝廷籌建蘆漢鐵路鍊鋼鑄軌設廠漢陽鑪冶所需緊惟萍煤是賴大理少卿盛公承命督辦薦用陽湖張韶甄大令專治萍鄉煤礦俾仿大冶之制設鐵路於礦所以顧君忠實廉幹輿論翕然飭會辦萍境購地事宜而蘆漢之條例大冶之成規實未嘗相示也顧君曰運用之妙在於一心不必前有所師也非常之原黎民所懼吾惟有以安吾民而已乃首倡保全水利之策力陳優給田價之請遴紳士之賢者設局於鄉大旨以不傳鄉民入城不容胥吏經手爲主張君志同道合相與有成期年工竣自安源煤礦至宋家坊止計程十四里名曰萍安鐵路蕩平正直民以大和先是前湘撫陳公勅議築湘粵鐵路與蘆漢接軫未及行而去官至是盛公以萍安鐵路既著成效復議設軌於萍鄉醴陵之間名曰萍醴

鐵路蓋爲他日接湘粵幹路地也薛太守叔贊實任斯役旣蒞萍
知顧君之賢請一切依萍安成法然自宋家坊至挿嶺關外壤錯
醴陵凡六十餘里道途遼濶倍徙於前其所佔田業無慮千餘戶
顧君雖有恤民之心勢不能家喻而戶曉也迺取前辦萍安鐵路
一切公牘彙其大綱都爲一卷用活字排印又自萍醴勘路之先
以迄歲除文移稟牘之可存者汰其重複別爲一卷附印同行以
代文告余方從中丞俞公展覲入都臘盡甫返星沙聞萍鄉鐵路
事頗井井欲諮其詳而顧君適郵寄所印公牘至發函快讀肫然
藹然仁人之言也而釐然秩然又能斷之以義盛公之委任可謂
得其人矣張薛二君惟賢讓能無掣縣官之肘可謂不失其權矣
雖萍醴鐵路履勘甫定視萍安之已成者有間又縣官但有購地

之責工程非所與聞且顧君量移有日能否躬蒞其事尚未可必
要之始基既墮踵事非難則由前例後其能諸害悉除以自保利
權而無失交不有可預信乎爰足自據胸臆就平昔所論鐵路者
箸之於篋俗弁是編之首彼斷斷焉爭鐵路之利害者其亦可以
息喙矣奈此顧君之言曰天下無不可辦之事而利害相兼亦無
全有利無害之事但能多盡一分心斯少減一分害耳信斯言
也雖公鼂下而無難鐵路云乎哉

光緒上奉困敦之歲孟陬月下澣七日古藹戈履徵青侯甫序於
湘南節署

序例

前代專集頗有兼載官文書者近人始不以公牘入文集間有傳刻亦必別行蓋古人合學問吏治爲一今人分作文與治事爲二也士方束髮受書惟以八股爲業其資性高明兼治古文詞者又皆取法乎上散行必慕馬班駢體必追徐庾一旦釋褐臨民用非所習微特八股陳之高閣卽馬班徐庾之文又烏足以治事哉其或奮自他途擢於末秩操觚染翰本未擅長奸胥猾蠹愈得起而侮之遊學之士習爲官文書者乃得挾其所長以傲官吏競相延致名曰幕友此風蓋始於

國初二百年來浸成窠臼在幕友之賢者精於例案誠不愧爲專門之學然而東施之顰南郭之竽亦比比皆是於是公牘文字遂

若別有體裁依樣葫蘆爲通人所齒冷能者不屑爲而不能者又不敢爲也道光之季四海多故魏默深先生輯經世文編博搜文集兼采公牘咸豐軍興羽書旁午封疆大吏如胡文忠曾文正諸公皆手自批答不盡假手記室又能破除格式不掎例案卒以匡濟時艱蔚成中興之業而海內風氣稍稍變矣余自少時卽喜觀論事之文與一切章程條款以爲可施實用旣膺民社不敢自信仍循舊制延請幕賓益地方公事自有常經按部就班無取乎師心自用也壬辰歲會匪倡亂飛書馳檄日不暇給始與幕中人分任其勞事平後以戇直忤上官解任去嘗欲輯辦匪始末彙爲一編而因循未就也丙申復蒞萍值饑饉之後賑糶兼施大府復貸萍紳以鉅款顧貧民猶時時譁噪彈壓撫循事機急迫不及諮度

幕僚率皆手自裁定旣而礦務大興洋員應聘至者趾錯於途居民少見多怪譁詠四起噓音瘡口反覆譬喻益不能拘以常格比戊戌復有興修鐵路之議鐵路爲中國新政行之未及十年無例案之可言且其法肇自泰西承辦員董以非所素習莫敢主持輒讓其權於洋人洋人初至中國言語不通風俗不同一切欲以洋法行之其不至與民情扞格者幾希余以菲材當茲創舉深懼位卑力小莫由保衛吾民幸礦局張君見信有素京卿盛公謬採虛聲假以事權弗虞掣肘余雖茫無所知竊念大學誠求不遠之義竭其愚慮冀得一當經年路成安源之煤乃得不踰晷刻直達萍城之外命其名曰萍安鐵路而萍醴鐵路之役又繼興焉顧萍至醴陵凡九十里其轄於萍境者六十有五道遠則官民之情易隔

地僻則樸野之俗未除雖萍安往事具有成規條教所頒不容異
議要不能執途人而徧語之也兒子燮光素嗜余所爲公牘謂其
委曲詳盡弗類幕客所爲而明白曉暢又不蹈文人結習余每篝
鐙走筆燮光輒伺其旁脫稿卽錄副以去積久成帙屢請刊行余
未之許至是請專刊鐵路公牘以示萍民謂可省諄諄誥誡之煩
余謹其言乃命擇要編次芟其重複並爲條例附列左方而志其
緣起如右區區之誠與吾民相見以心者畧具於此過此以往苟
有可存尚當續印以成完書焉

一萍邑創行鐵路條

欽差督辦鐵路總公司事務大臣大理寺少堂盛會同

湖廣督部堂張奏奉

諭旨允行其原奏見二十四年邸抄及各報章是年八月奉

督辦憲札委鄙人會辦購地事宜卽經恭錄原札刊刻告示張貼在案是編以縣中公牘鄙人手稿爲主故原奏原札概不闕入其初次告示僅照原札裝敘并未議及辦法亦不登載

一萍安鐵路於戊戌十二月設局購地至己亥十一月竣工其大關鍵在稟爭田價一節爲開局之急務故以冠首而電稟各稿以類相從其餘依日月先後編次至工竣後善後事宜告示稟牘兩件因年內無暇故遲至本年正月補辦以上編爲第一卷一萍醴鐵路原名湘萍枝路肇始於柏生士勘路之役然匆匆一過並未停留其情形已附見萍安篇中至水利情形雖萍安亦屬相同而其稟乃預爲萍醴而發故以冠首餘仍以日月先後

爲次計至己亥年底編爲第二卷此後容俟續編

一上憲來札概不登載其稟批覆電有關緊要者錄之尋常例批亦不贅列

一通稟各憲稿於題目加一通字而其稿止酌錄一道以省重複諭示等件倣此

一卷二稟防營單簿請通盤籌畫稿其夾單再稟本與鐵路無涉因論營制頗詳故姑存之

一辦事章程算學條規雖入萍醴篇實悉依萍安成法特試辦之初未敢著爲定章耳兩卷中有應互勘處頗多閱者鑒之

一卷一之局紳稟稿卷二之李參議覆信均係有關辦法故特爲

附入

庚子中和節會稽顧家相勸堂氏謹識

籌辦萍鄉鐵路公牘卷之一目錄

萍安鐵路存稿

序

凡例

稟萍鄉縣田價昂貴未便酌定官價據實瀝陳通稿附電稟

呈袁州府曹萍鄉鐵路情形手摺

辦理萍安鐵路簡明告示

稟萍鄉縣鐵路購地已定立契需時稿

飭佃戶包築鐵路經過田塍示

飭保正傳知起遷墳墓諭

會同礦局總辦張飭購地局紳核定田價諭

附電稟田價稿

飭購地局紳酌定各項地價諭

稟萍安鐵路購地遷墳各事辦竣通稿

致善後局林太尊夾單稟稿

飭圖紳監修道路諭

禁止鐵路閑人行走示

批萍安購地局紳黃顯璋等鐵路竣工縷陳籌辦情形稟

附錄原稟

曉諭萍安鐵路農田水利善後辦法示

稟萍安鐵路工竣開車並籌辦農田水利善後事宜通稿

男變光繕稿校字